

三不 行之

不再逢人說後期，出山雲雨半堪疑。琴臺日薄相如病，星渚橋焚織女悲。
欲證三生魂杳杳，待留一面意遲遲。回頭早覺春紅換，消息從來寄別枝。

不分浮生似渡船，來來往往老江邊。江翁漫識壺中月，海使能通界外天。
棹起光沉魚溟邈，帆開影合鳥翩聯。倘逢春夜風煙淨，願放長歌涉大川。

不信天南氣早凋，喧喧車馬尚如潮。城頭畫棟迎雲暖，街角黃花向晚嬌。
運化須憑三尺律，珠還無減二分饒。秋魂只在秋江上，佇看誰來賦大招。

